

TE NEHEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 8.

Atete, 1920

Mat. 14.

Hoê hoi Atua, e hoê hoi arai i ropu i te Atua e te taata, o te taata ra o Iesu Mesia. ITimoteo 2:5.

E inaha, amene e parau atu vau ia outou, hou a'e te fenua e haamouhia ai e faaoto ta'u melahi rahi ra, o Mihaela, i ta'na ra pu, e i reira te feia atoa i pohe e ara mai ai, e mahou hoi to ratou ra mau menema, e tia mai hoi ratou i nia; oia ia, o te taatoa ra; e te feia parautia ra e haaputuhia ia i ta'u rima atoa no te ora mure ore; e te feia rave hara ra i ta'u rima aui, c haama vau ia farii i muu i te aro no te Metua; no reira e parau atu vau ia ratou, a haere e atu outou, e te feia i katarahia i roto i te auahi mure ore, o te haapaohia no te Diabolo e ta'na ra mau melahi. B. F. S. 28:7.

Ia Paari Tatou mai ia Daniela.

O Daniela ra, te hoê ia o te mau tamaiti Hebera tei afai titi-hia e te arii Nebusanesa i te fenua ra, o Babulonia. Ua faarirohia oia i reira ei tavini i roto i te aorai no Nebusaneza. Mai te au i te peu o taua anota ra, ua faaamuhia te mau tavini, i te mau huahua maa e te uaiua i toe mai i te amuraa maa o te arii ra.

No te mea râ e, ua haamaitahia te maa a te Arii i roto i te i'oa o te mau Atua Babulonia, aita atura e tia i te mau tamarii no Iseraela ia amu i te reira. Te tiaturi ra Daniela ma e, ia amu ratou i taua maa ra e haaviivii ia ratou i to

ratou ra mau tino, e no reira i tupu ai te mana'o i roto ia ratou ra e, eiaha roa ratou ia na reira. Te vai ra te hoê taata faatere no taua mau tavini ra, o Melezara to'na i'oa e ia ite oia e, aita Daniela ma e amu i te maa a te arii ra, tupu ihora to'na mata'u o te taparahihia oia e Nebusanesa no to'na faaamu-ore-raa i te mau tavini ra.

Haapae noa ihora Daniela ma i te maa, e haere atura to ratou ra mau tino i te poriaraa.

Maru ihora to Melezara aau e ua horoa maira oia i te maa ta te mau tavini i titau atu, te pîpî e te pape.

E haapiiraa rahi to roto i taua parau nei. Mai te mea e, e tamata tatou i te haavî i te ino, eiaha tatou ia otohe i te reira i to tatou vai apîraa, te reira mau te taime e maitai ia tatou ia haamata i te aroraa'tu i te ino.

Ua au teie oraraa tino nei ia Babulonia; ua apîapî te e'a o teie nei ao i te mau tamataraa e te mau faahemaraa o te Diabolo.

Teie te mea e tia ia tatou atoa e rave, oia hoi, ia farerei tatou i te hoê faahemaraa, e haamana'o tatou i te mana'o a Daniela, oia hoi, "Eiaha vau ia haaviivii i to'u hiero mo'a." Dan. 1-8.

Na roto i to Daniela parururaa i taua maa au ore ra, "ua faarirohia Daniela e te Atua ei taata here-rahi-hia e te taata rahi i taua feia toroa ra." Daniela 1-9. Ua horoa te Atua i te ite ia'na i riro ai oia ei taata aravihi e te paari rahi, i fariihia'i e i faabereherehia'i oia e te Arii Nebusaneza.

Te ua ô maira te Fatu i to'na ra mau tavini i te tau hopea nei, "E parau no te paari * * mai te faaite i te haapaoraa e te hinaaro a te Atua i te faaoraraa i raro nei i te feia mo'a atoa ra i teie mau mahana hopea. I horoahia ei haamauraa e i te parauraa mai, i haapaohia no te mana'o no te feia paruparu, e no tei paruparu roa no te feia mo'a atoa ra, e te feia o te tia ia parauhia ei feia mo'a."

B. F. S. 86.

Te haapiihia nei tatou i roto i taua heheuraa ra e, e ere ia i te mea tia i mua i te aro o te metua ia inu te hoê taata i te uaina e te mau huru ava taero atoa e ia puhipuhi i te avava.

Te na ô maira te Fatu e, “E te feia mo’a atoa o te haamana’o e o te haapao mai te rave i teie nei mau parau, *** e maitai te noaa i to ratou mau pito, e e puohia to ratou râ mau ivi, e iteahia hoi ia ratou te paari e te vairaa rahi no te ite, oia hoi te paari i hunahia ra.”

Ua haapao Daniela i taua mau parau no te paari, e no reira i maitai ai oia i mua i te aro o te Atua. E ere anei ia i te parau mau e ua “iteahia ia Daniela te paari e te vairaa rahi no te ite, oia hoi te paari i hunahia ra.” Oia mau ia, na’na te taoto o Nebusaneza i tatara.

Te na ô maira te Fatu e, “Te riro ia’na te rê ra, e faamu ia vau ia’na i te raau roa o te ora e i tia i rotopu i te Paradaiso a te Atua ra.” Apok. 2: 7.

E nehenehe ia tatou ia haavî i te mau ino atoa, eiaha i to tatou iho puai, i te puai râ o te horoahia mai ia tatou e te Atua. Te na ô maira Paulo e, “E tia ia’u te mau mea atoa i te Mesia, tei tauturu mai ia’u ra.” Phipi. 4: 13.

Papaibia e

Aneterea Sedamana.

ADAMU.

Te faaite maira te parau i papaibia e, te mau taata o tei farii i te parau faaite a Iesu Mesia, e te mau taata o te Ekalesia a te Matahiapo ra, e noaa ia ratou te hanahana Tiretiera i roto i te Basileia a te Atua. E te mau taata o tei noaa ia ratou te îraa o te Atua e te îraa hoi no to’na ra hanahana, e riro ia ratou ei mau tahu’a e ei mau arii, e ei mau Atua atoa hoi.

Te haapii maira te Ekalesia a Iesu Mesia i te Feia Mo’a i te Mau Mahana Hopea Nei e, o Adamu, o to tatou ia metua

tane no te paeau o te tino nei. O oia te taata matamua tei farii i te mana no te autahu'araa mo'a. A hoi i te Buka Fa-fau Sanito 83: 2. E mana oia i nia i te mau mea atoa o teie nei ao. A hio Genese 1: 29-28.

E hio tatou i te huru o to Adamu haamaitairaa, Te na ô maira te Fatu e, "E toru matahiti i mua atu i to Adamu poheraa ua aratai oia ia Seta, Enosa, Kainana, Mahalaela, Iareda, Enoha, e o Metusela, e mau tahu'a rarahi ana'e hoi ratou, e te toea no to'na ra huaai o tei parautia, i roto i te peho ra ia Adamu-onodi-ahaman, e i reira to'na haamaitairaa hopea ia ratou. E ua fâ mai te Fatu i mua ia ratou, e ua tia a'era ratou i nia e ua haamaitai ia Adamu, e ua topa ihora ia'na ia Mihaela, te tamaiti Arii, te Melahi rahi. E ua haamahanahana maira te Fatu ia Adamu, e ua parau atura ia'na, ua tuuhia oe e au ei upoo; e rahi te mau nunaa e tupu mai no roto ia oe, ei tamaiti arii hoi oe i nia ia ratou e a muri noa atu. "B.F.S. 104: 28.

E i teie nei e taio tatou i te hoê mau irava i roto i te Daniela. Te na ô maira to'na faaiteraa e, "E tia maira To te mau mahana tahito ra, e ua tuuhia mai te haavaraa i te feia mo'a no Tei Teitei ra, ua tae a'era te tau e riro ai te basileia i te feia mo'a ra. "Daniela 7: 22,.

"Te hio ra vau, e haamauhia ihora te mau terono e ua parahi maira To te mau mahana tahito ra, o tei au to'na ahu i te hiona i te teatea, e te rouru o tana upoo, mai te huruhuru mamoe maitai ra ia; e auahi ura to'na terono, e to'na pereoo e auahi ama ia. Puroro noa maira te auahi tarapape mai mua mai ia'na; e ua tauasini hoi te tauasiniraa i te taviniraa ia'na ra, e ua ahuru hoi te tauatiniraa i te manotini i te tiaraa i mua i ta'na aro; parahi ihora te haavaraa, e ua heuheuhia te mau buka." Daniela 7: 9-11.

O vai teie i parauhia nei e, "To te mau mahana tahito ra"? O Adamu ia, te parau-atoa-hia o Mihaela, te tamaiti Arii e o te Melahi rahi.

Iesu
e,
han
teie
mau
ata.
ra M
rahi

feia i
re ho
e te p
parau
ture
raahi
T
ra te
hou to
Mihae
ai, e
i nia,
a iti
rahi r
tamari
aara i
uraa n
E
ihia ra
a te At
ia Mo'
ei atua
Te
Iesu M

Ua papu ia tatou e, e ere te Atua metua e aore râ o Iesu tei parauhia "To te mau mahana tahito ra." no te mea e, aore e haamataraa e aore atoa e hopea i to te mau mahana o te Atua, o Adam râ, o te taata matamua ia i nia i teie nei ao, e no te hoê anotau tahito roa oia, oia hoi to te mau mahana tahito. Ei upoo oia i nia ihoi te mau varua tata. I raro a'e râ oia i te upoo rahi ra, o Iesu Mesia e i tana ra Metua. E parahi mau Adamu ei haavai tae i te mahana rahi o te Fatu. E tanturu oia i tana ohipa rahi ra.

Te na ô maira te Ioane 10:34-35 e, "I parau te ture i te feia i parauhia atu i te parau a te Atua e, e Atua ratou, e aore hoi i hapatte parau i papaihia ra. "Ua taeahia anei Adamu e te parau a te Atua? Oia mau ia; e mea pinepine to te Atua parauraa'tu ia Adamu e ua haapao papu Adamu i te mau ture e te mau faaueraa a te Fatu i muri iho i to'na ra tiavaru-raahia i rapae i te ôi Edene ra."

Teie te tahiâ parau a te Fatu no Adamu. Te na ô maira te taioraa e, "E inaha, amene e parau atu vau ia outou, hou te fenua e haamouhia ai e faaoto tā'u melahi rahi ra, o Mihaela, i ta'na pu, ei reira te feia atoa i pohe ra e ara mai ai, e mahea hoi to ratou ra mau menema, e tia mai hoi ratou i nia, oia ia, o te taatoara. "B.F.S.28:7. Aue to tatou metu-a iti no te paeau tino nei e! Nā'na tatou e faaara i te taoto rahi ra. Mai te mau metua atoa e faaara i tarratou ra mau tamarii i te poipoi ra, e na reira atoa to tatou metua i te faaara i to'na ra mau tamarii maitai i te poipoi no te tifaahouraa matamua.


E nehenehe anei ia tatou ia faahuru-ê i te parau i papaihia ra? Aita roa ia. E to'u mau hoa e, a farii i te haapiiraa a te Atua tei haapihia nei e te Ekalesia a Iesu Mesia i te Feia Mo'a i te Man Mahana Hopea nei, oia hoi, e iri Adamu ei atua, oia hoi ei tamarii na te Atua.

Te tiatouri papu nei te "Momoni" i te Atua te Metua a Iesu Mesia, e te haamori nei ratou ia'na. Aita atu Atua e

tia i te taata e haamori maori râ e hoê noa iho, oia hoi te Atua Metua. Te mau mea atoa ta tatou e rave nei, te ravehia nei ia na roto mau i te i'oa o Iesu Mesia, no te mea e, "Hoê hoi Atua, e hoê hoi arai i ropu i te Atua e te taata, o te taata ra o Iesu Mesia". ITimoteo 2:5.

Papaihia e

Serota Roberetona.



Te Taata Matapo e te Taata Pirioi.

Te parahi ra te hoê taata matapo e te hoê taata pirioi i raro a'e i te mau marumaru a te hoê tnmu raau.

Ua ua ô maira te taata matapo i te taata pirioi e, "Te haere nei oe ihea"?

Pahono atura taua taata pirioi ia'na ra e, "Te hinaaro nei au e haere i te oire, tera râ, aita e nehenehe ia'u e haere, no te mea e, e pirioi au."

Ua na ô ihora te taata matapo e, "Te hinaaro atoa nei au e haere i te oire, tera râ, ua po roa to'u mata."

Ua parau atura te taata pirioi i te taata matapo, na ô atura, "Teie, Ua po to oe mata, to'u râ, e mea maitai ia, ua ino to'u avae, to oe râ, te maitai nei ia. Mai te mea e, e riro oe e avae no'u, e riro ia vau e mata no oe."

Ua na ô maira te taata matapo e, "Na reira ia."

Afai ihora te taata matapo i te taata pirioi i nia iho i to'na ra na tãpono, haere atura raua i to raua tere mai te oaoa rahi.

Haapiiraa:-

A nana i to mata i nia, eiaha e haere mai te haapi'ohia to upoo i raro. A hio i mua eiaha e otohe i muri; e tauturu i to taeae tei roohia e te ati.

1. Ia apĩ to e'a, eiaha e fiu;
Ia î i te peapea noa'tu;

Te ao teiê o oto ai,
Te vai ra te ao maitai.
To tatou ora e raupa,
Eiaha e fiu.

FAAHO'IRAA:

Eiaha e fiu i te horo,
Noa'tu i to tufaa;
Tera'tu te ao maitai,
No teie ora e hemo ra.

2. Ia roohia i te ati, eiaha e fiu,
Tiaturi noa ia Iesu, eiaha e fiu,
Moe-ore-hia matou
E a muri noa'tu;
E Iesu e te Fatu,
Eiaha e fiu.

E Parau Faahiahia.

Ua aratai a'enei o Iokoba Lambert, te peretiteni no te mau Amaa o te Ekalesia a Iesu Mesia i te Feia Mo'a i te Mau Mahana Hopea Nei i Niu Zilani, i te hoê mau taeae e te mau tuabine hoi i te fenua ra, o Havaii. Teie to ratou tere, oia hoi, ia mataitai i te hiero apî i reira, e ia rave ratou i te hoê mau ohipa i roto i taua hiero ra.

Ua afai atura ratou i ta ratou atoa ra mau parau tuatapaparaa tupuna, no te mea e, te hinaaro ra ratou ia faaotihia te mau oroa mo'a no ta ratou ra mau metua, o tei pohe ê na.

Te vai ra i roto i te aau o taua mau taata Maori ra, te hoê parau tuutuu. Mai teie te huru, te faaita ra taua parau tuutuu ra ia ratou e, e no ô mai i Havaii to ratou ra mau tupuna i te tereraa'tu i Niu Zilani, oia hoi, i te anotau tahitona faarue te hoê pupu taata e 80 vaa, i te fenua Havaii, tere atura ratou na Tahiti i Niu Zilani, e taua mau taata ra, o te haamataraa ia o te Maori.

Ia tae atura taua mau taeae e taua mau tuahine ra i Havaii, faaite atura ratou i te mau parau tuatapaparaa tupuna i afaihia e ratou. Itehia ihora e, e hoê â te mau tupuna no na taata Maori i to te hoê vahine Havaii mau tupuna.

Teie te i'oa o taua na taata Maori toopiti, oia hoi, Wiremu Karaka e Wiremu Duncan. E te i'oa o taua vahine Havaii ra, o Emma K. Lewis ia.

Te i raro nei te tabula no te mau parau tuatapa o taua na taata ra.

1. Aikanaka.
2. Puna (tane).
3. Hema (tane).
4. Kahai (tamaiti no Hema).
5. Wahieloa (tamaiti no Kahai).
6. Laka (tamaiti no wahieloa).

Ta te taata Havaii, teie parau tuatapaparaa tupuna i nia nei.

E ta Wiremu Karaka (no Niu Zilani).

1. Kaitagata (hoê â e Aikanaka i te re'o Havaii).
2. Puna
3. Hema
4. Towhaki (hoê â e Kahai i te re'o Havaii).
5. Wahieroa (hoê a e Wahieloa).
6. Rata (hoê â e Laka).

E haamana'o tatou e, ta te taata Havaii e *L* ia, e ta te Maori e te taata Tahiti e *R* ia. Ua tau i hoi ratou i te *K* e te *T*. No reira te huru-ê-rii raa i te papairaa. Hoê â râ te parau Kaitagata e te parau Aikanaka. E parau Havaii te tahi, e e parau Maori te tahi.

Ta Wiremu Duncan mau tupuna:-

1. Kaitagata
2. Puna
3. Hema

4. Hapairagi(vahine). E huaai mau Wireamu Duncan no taua vahine ra. Tei ia'na taua parau tuatapapa ra i teie nei.

Te na ô maira te hoê parau tuutuu na te Maori e, "Tawhiti nui, tawhitiraa roa, tawhiti pamaomao." Teie te au-raa i te re'o Tahiti, oia hoi, "Tahitiraa nui, tahitiraa roa, e tahitiraa rahi roa." E teie parau, no ta te taata Maori tere-raa mai te tahi fenua i te tahi fenua i te tau tahito.

"Tahitiraa nui" oia hoi "tereraa rahi," no te tereraa atu ia o te taata Maori, mai Havaii i Niu Zilani. E 80 vaa tei faarue i te fenua Havaii e ua tere atu ratou na Samoa, e Tahiti nei, tapaepae atura ratou i tera motu e i tera motu e tae roa'tura ratou i Niu Zilani, te na reira maira te parau a te Maori.

Te piti o te tereraa i parauhia i nia nei ra, ua haamatahia ia tereraa i te hoê fenua rahi roa. E moana rahi tei na pae e piti o taua fenua ra, e e fenua rairai hoi to taua fenua rahi ra, e te tuati ra taua fenua rairai rai na fenua rahi e piti.

Te mana'o hia nei e te mau taata Momoni e, O te fenua Amerita teie fenua i parauhia i roto i te parau tuatapapa a te Maori, no te mea e, te na ô maira te Buka a Moromoua e, "Tei te ahuru e te hitu o te matahiti i te tavanaraa o te mau haava i faarue ai te tahi tiaa i te fenua ra ia Zarahemela, oia hoi e pae tausani e maha hanere taata, e ta ratou mau vahine e te mau tamarii, haere atura i te fenua i apatoerau ra. E taata iimi noa o Hagota, i haere ai oia e i hamani ai i te hoê pahi rahi i te hitu o te fenua ra i Bounetifula, i pihaiiho i te fenua ra i Desolationa, e ua tuu atura i te tai i te tooâ o te râ i pihai a'e i te fenua iti rairai e tae atu ai i te fenua i apatoerau ra. E inaha, e rave rahi o te mau taata o te ati Nephitei tomo i roto ra, e reva'tura ma te mau huru maa e rave rahi, e na vahine e rave rahi, e te tamarii hoi, e fano tia'tura ratou i apatoerau. E hope a'era te toru ahuru e te hitu o te matahiti. E i te matahiti e toru ahuru ma vau i hamani ai taua taata nei i te tahi atu â mau pahi. E ua ho'i mai-

ra te pahi matamua, e tomo atura e vetahi mau taata e rave rahi, e tere faahon atura i te fenua i te pae apatoerau ra. E aita'tura ratou i itea-faahou-hia. Te mana'o ra matou, ua paremo ihora ratou i raro i te tai. E fano atura te tahi â pahi, e te vahi i haerehia e aua ra, aita matou i ite."

Alama 63:4-8.

Te haapii maira te Etaretia a Iesu Mesia i te Feia Mo'a i te Mau Mahana Hopea Nei e, No Amerita mai te mau taata no te mau fenua rii moana, mai ia Havaii, Tahiti, Samoa, Niu Zilani e te tahi atu â mau motu no te paeau Patitifa nei. Te mana'ohia nei e, ua moe taua na pahi no Hagota ma i tua, e ua painu atura ratou, e ua afaihia'tura i Havaii e te mau opape rahi. Mai Havaii mai te purararaa o te taata Havaii i tera motu e i tera motu.

Te re'o tumu no te mau taata Paumotu e te re'o o te taata Niu Zilani, hoê â ia. Tei raro nei te hoê mau parau no te re'o Havaii, te re'o Tahiti, te re'o Paumotu e te re'o Maori:-

Tahiti	Paumotu	Havaii	Niu Zilani.
Aroha	aroha	aloha	aroha
Vai (pape)	Vai (komo)	Wai	Wai
Taata	Tagata	Kanaka	Tangata
Arii	Ariki	Ariki	Ariki
Metua	Metua		Matua
Tuaana	Tuakana		Tuakana
Teina	Teina		Teina
Outou	Koutou	Koutou	Koutou
Puaa	Puaka	Puaka	Puaka

Te haapii atoa maira te Buka a Moromona e, i te anotaui a arii ai Zedekia i nia iho i te Atiluda, ua faarue te hoê mau taata, o Lehi ma, ia Ierusalema, tere atura ratou na te me-depara e tae roa'tura ratou i te moana i parauhia te Moana Inidia. Tarae ihora ratou i te hoê pahi, e tere atura ratou i te fenua Amarika.

Ia maoro a'era to Lehi ma parahiraa i nia i te fenua rahi Amerika i Apatoa, pohe ihora o Lehi, amahamaha a'era ta'na ra mau tamarii. Pee atura te hoê afa ia Lamana, te tamaiti matahiapo, e te tahi pae râ, ua farii ia ratou i te faatereraa i te tahi tamaiti, o Nephi. Riro ihora o Lamana ma e nuuaa haapao ore e te parautia-ore, e ua katarahia ihora ratou e te Atua, i te iri ereere. O Nephi ma râ, e mau taata parautia e te haamaitaihia hoi.

Ua purara taua na nuuaa taata e piti ra, na te aanoraa e te roaraa hoi o te fenua Amerika. E tae a'era i te mau mahana no Hagota, o te moeraa ia i taua na pahi e piti ra i parauhia i nia nei ra. E taua mau taata ra, o te mau metua ia o te mau taata Havaii.

Te mana'ohia nei e, o te "tereraa rahi roa" i parauhia e te Maori, "Tawhiti pamaomao," o te tereraa ia o Lehi ma mai te fenua Ierusalem a i te fenua Amerita.

Te vai ra te mahana e haamaramarama faahou mai ai te Atua ia tatou i nia iho i teie nei parau. E faaite papuhia e, e parau mau ana'e ia ta te Buka a Moromona e haapii nei.

I vai taa-ê-na te mau taata Maori e te mau taata Havaii. I teie nei râ, ua faaite-papu-hia e e fetii mau to Niu Zilani i te Havaii. Na roto i te faatiaraahia te hoê hiero a te Fatu i Havaii, e te hinaaro o teie mau taata Maori e faaoti i te mau oroa no ta ratou ra mau metua i pohe ra, ua puta te paruru haapoiri o tei vai nena-noa-hia, mai tahito mai, i ropu i te taata Havaii e te taata Maori, e ua maramarama faahou.

E ere anei ua faafariuhia te aau o te mau tamarii i ta ratou ra mau metua, e te aau o te mau metua i ta ratou ra mau tamarii, e te aau o te mau tamarii i te mau tamarii? Oia mau ia.

Ia oaoa tatou i te tupuraa o te parau mau. A faaitoito i te haaparareraa i te parau a te Atua ia ite te taata'toa e, o te Etaretia mau teie a Iesu Mesia.

Papaihia e

Aneterea Sedamana.

Mau Parau Apî

E 118,110 o te taatoaraa ia o te taata i te oire ra, o Roto Miti, i te matahiti 1920. E 92,777 taata to taua oire ra i te matahiti 1910.

E huru peapea te mau orometua no te hoê mau Haapao-raa i te fenua Amerita, no te mea e, i roto i to ratou hioraa, aita te moni e horoahia nei ia ratou, oia hoi te taime no ta ratou ohipa orometua i navai. Te faaite maira ratou e, aita to ratou ra mau tarahu no te utuafare e pe i te moni matahiti e horoahia nei ia ratou. Ua parauhia e, mai te mea ra e, aita to ratou moni matahiti e faarahihia, e faarue e 50,000 orometua i ta ratou ohipa orometua, e e imi ratou i te tahi huru ohipa e roaa'i te moni maitai ia ratou.

Tei te oire Niu Ioka te hoê vahine o te roohia e te hoê ma'i huru ê roa. Ua parauhia e, i te 7 no te avae Atopa, 1919, ua mairi oia i roto i te taoto, e te taoto noa ra oia mai reira mai e i teie nei â, aita â i ara mai. Te buti noa-hia ra te aho e te tupai noa ra te mafatu te mau mero rá no to'na tino te taoto noa ra ia. Ua tamata te mau taote i te mau ravea atoa e faaara ia'na, aita roa râ i manuia. E toru ahnru aore to taua vahine ra matahiti.

L. H. KENNARD Jr. Imprimeur, Rue Brea et de la
Rue Dumont d'Urville, Orovini, Papeete, Tahiti